



COMUNICAT STAMPA

Mostra „Mejes“ slungëda nchin ai 23 de fauré 2020 –Mo trëi d’altra manifestazions.

Mostra de fotografies di mejes storics de Gherdëina slargeda ora – Cunvëni, conferenza, pruiet de studënc

Sies mënsc ie bele passei dala inaugurazion dla mostra „MEJES de Gherdëina. La memoria de na cuntreda“ te Cësa de Cultura a Urtijëi y l nteres ie mo for grant. Per chësta rejon à l Museum slungià la mostra nchin ai 23 de fauré. Ora de chël ie unì prugramà tl cuntest dla mostra mo d’altra trëi scumenciadives.

Mostra MEJES slungëda de trëi enes

La mostra de fotografies a blanch y fosch dl fotograf de architettura de Praga Václav Šedý cun tesć dl architet Wolfgang von Klebeslberg y cureda da Paulina Moroder ie unida inaugureda ai primes de agost dl ann passà.

Ntan i ultims doi ani à Šedý vijità bën 70 mejes storics ti trëi chemuns de Gherdëina y tla fraziions ladines dl chemun de Ciastel. Cun si fotografies iel stat bon de sorissé y fé luné ora la carateristiches architetoniches, si particulariteies y si belëza tl cuntest dl paesaj. La fotografies mostra tl medem tēmp la vulnerablità di mejes che smendrësc de numer ann per ann per gaujia dl svilpup economich y soziel, spliga Paulina Moroder, diretëura dl Museum Gherdëina y respunsbla dl pruiet “Mejes”.

La mostra fova prugramada dl prim nchin ala fin de jené 2020, ma šën iela unida slungëda de trëi enes. La fotografies de Šedý possa unì amiredes mo nchin ai 23 de fauré (dal merdi al vënderdi dalla 15 ala 18, l vënderdi y la sada nce dala 10 ala 12.30). “On tēut la dezijion de slungë la mostra pervia dl gran nteres desmustrà” dij la diretëura Paulina Moroder, „sibe dala jënt dl post ma dantaldut nce dala persones da oradecà”.

l vijitadëures da dut Sudtiroi se fej n’idea dla situazion, ma chier nce cunsëi per mantenì i mejes storics per la generaziions che à da unì, ënghe ora de Gherdëina.

Gran nteres à descedà l liber che acumpaniea la mostra “Mejes”, che documentea nia mé i mejes tres la bela fotografies de Václav Šedý ma reporta nce testc de deplù autores che se da ju cun la storia y l valor di mejes de Gherdëina. L jurnalist Heinrich Schwazer dla “Neue Südtiroler Tageszeitung” à numinà dan puec dis chësc catalogh “**liber fotografich dl ann**”.

Trëi manifestazions nchin ala fin de fauré 2020

Slungë la dureda dla mostra lascia pro al Museum de urganisé d'otra trëi scumenciadives tl cuntest dl pruiet "Mejes".

Lunesc, 20 de jené, dala 15.00 I maturanc dla trëi 5a classes dl Lizeum d'Ert Cademia presenterà y meterà ora si lëures svilupej ntëur al argumënt dla mostra "Mejes". La operes plastiches, grafiches y fotografiches ie nia mé de referimënt artistich ma reprejënta l pont de ududa di jëuni y si maniera de ruvé a se dé plu da daujin cun l tema dla cunservazion dl patrimone storich-culturel y architetonich.

Juebia, 6 de fauré, dala 17.00 L'etnologh y tuadëur scientifich Siegfried de Rachewiltz, tën na cunferëza tla mostra "MEJES" sun deplù aspec dla "sacralità dl pan" tl'antichità y ntan l zitlus de vita dla jënt.

Vënderdi, 21 de fauré, dala 14.00 ala 18.00 Cunvëni de stude per stlù ju la mostra "Mejes de Gherdëina. La memoria de na cuntreda". Pra l di de stude tuleral pert reladëures de aut nivel per sorissé mo n iede l'impurtanza de scuné i mejes dla valeda.

Coche da scumenciamënt dl pruiet "Mejes", se purveran pra l di de stude a sensibilisé da una na pert la minonga publica, ma n purverá nce a mustré su manieres nueves de adurvanza di mejes y nfin nce la criazion de na rë' plu ampla puscibla de patrons, reprejentanc de istituzions, esperc tl frabiché y de cunservazion dl patrimone nteressei al restaur y ala nuzeda da nuef di vedli mejes.

Per d'otra nformazions:

Paulina Moroder

Diretëura dl Museum Gherdëina

tel +39 338 6040477

e-mail: p.moroder@museumgherdeina.it

www.museumgherdeina.it